

中國方志叢書·華中地方·第二六號


據

清·謝延庚等修·劉壽增纂
清·光緒九年刊本

影印

江蘇省

江都縣續志



成文出版社有限公司印行

69527569




10098239

中國方志叢書·華中地方·第二六號

據清·謝延庚等修·劉壽增纂
清·光緒九年刊本
影印

江蘇省

江都縣續志



695475

成文出版社有限公司印行



10098240

中國方志叢書·華中地方·第二六號

據清·謝延庚等修·劉壽增纂
清·光緒九年刊本
影印

江蘇省

江都縣續志



60152175

成文出版社有限公司印行



10098241

中華民國五十九年 月壹一版

江都縣續志

全三冊

發行人：黃 成 助

台北郵政信箱二二六〇五號
出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三三號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

敘

周官擇人掌道王志事以告邦國小史掌邦國之志以獻於王此方志權輿也我

朝德化涵濡敷天哀對近奉

詔開史館續纂儒林文苑循吏孝友列傳大府暨督學使者檄郡邑蒐采著述事實上諸史館以備甄錄然則郡邑議修志乘烏可視爲緩圖哉江都爲揚州府治附郭首邑自析置甘泉再修邑志前志爲五君格黃君湘所修成於乾隆癸亥嘉慶辛未李君保泰又續修之今距辛未歲逾一周矣光緒壬午冬余奉檄權郡事時會

稽謝君心畬知江都縣事方徵文考獻輯錄辛未以來
邑中故實更定李志體例纂成續志越歲剗刪工竣余
受而讀之而知謝君之可與論治也夫爲政必先綱紀
著書必明體要世之修方志者或胥吏案牘蕪穢失裁
或景物題詠浮華無實而求其名義所在政教所重則
茫乎不知其所指焉夫政者事也志者言也天下蓋有
言之斐然而不得於其事者未聞言之尙無條貫而其
事轉能秩然得敘者也今謝君是志詳贍博雅之中運
以獨斷別裁之義卷凡三十括以四門若網在綱有條
不紊首記義仿編年存史法也次表亦依年編次蓋志

者史所取裁史以記事非編年弗爲綱也掌故存於諸
考人物詳於列傳其瑣事逸文別爲拾補綴於簡末不
入記表考傳之中殆如九夫畫井八陣行軍經緯燦然
體用具備乃知方志爲一方之政要非徒以風流文采
爲長吏飾儒雅之名也謝君治邑三載政聲洋溢今之
具於書者實能見諸政治行見采之輶軒登諸

天府珥筆史宓者必將有取乎此余故繹譚人小史之
義以見爲治必本於學學明體要則其出治又豈尋常
俗吏所可幾哉光緒癸未仲冬鹽運使銜補用道權知
揚州府事湘潭黃波識

敘

江都爲揚州府治附郭首邑自析置甘泉邑志凡再修前志成於乾隆癸亥纂修者知縣事五君格黃君湘嘉慶辛未續志則府學教授李君保泰踵成之者今距續修歲月又逾七十年矣其間戶口之登耗賦稅之重輕學校之盛衰俗尙之奢儉與夫忠義孝烈之增祀金石文字之間出非因時紀述無以信今而傳後是固守土者責也然粵寇之難郡城凡三陷典籍散亡耆成凋謝將掇拾灰燼之餘存什一於千百補苴攬摭其成書有難於他邑者延庚以光緒辛巳夏承乏斯邑前令劉君

汝賢踵胡君裕燕之議思纂續志方與邑人士蒐采辛
未以來邑中掌故迺條舉件繫授延庚曰吾官斯土視
事日淺今將受代不獲待此書告成修飾潤色責在吾
子延庚簿書之暇詮次誼法更定舊志體例就哀集者
甄錄而修明之其未備者復詢耆獻考圖籍周諮博訪
補闕拾遺兩閱歲周始蒞事焉都爲三十卷凡爲記者
二首記

聖澤彰

皇仁也大事次之記水旱災祥制度沿革也爲表者八
首官師稽令長以下除罷歲月也次選舉著人才出於

科目者也次女行旌門標貞孝節烈之沐

恩榮者也次咸豐三年以來兵事日月述歷年捍禦之事也次職官殉城城亡與亡合於謀人師旅國邑之義者也次軍營鄉團死事則攻牢保險授命於濠砦樓櫓者也次士民殉城次婦女殉城皆歿爲國殤者也見邑中風化之美夙以節義廉恥相尙也爲考者十長吏之傳不可與部民相次也取永清縣志別立政略例述官斯土者之宦蹟故政有考壇墀祠宇公署橋梁之屬修建於兵燹後者歲年必記也故建置有考邑以運河爲幹水疏濬宣蓄之政日新月異也故河渠有考富國在

農

皇上子惠元元振卹蠲緩之

詔爲民間謀休養課生聚者

德意至溥也故民賦有考綱鹽條制已革改票以來額
銷之數可稽也故鹽法有考學制視前稍更變矣道咸
以來

列聖

賜額及兩廡增祀版位並政典之有助於教士者宜備
載也故學校有考陸營仍沿舊制近年修復操演之政
並瓜洲鎮水師營制宜具書也故兵防有考縣境舊祠

多湮軼淆亂矣其有合於天神地示人鬼之祀者當稽
撰名義而紀其興革也故祠祀有考臺榭陂池府寺宮
觀大半隕廢其有出於改作地同名異者當迹求履憲
也故名迹有考承學之士著作目錄及吉金樂石新出
者著錄必詳也故藝文有考爲列傳者七宦游政成則
志之臨難效忠則志之孝友著聞則志之儒術湛深文
章爾雅則志之行誼可風一藝成名則志之各以類從
不標名稱也其標名稱者二則寓公之賢者也列女之
懿行足式者也邑之故實庶幾備於此乎然瑣聞佚事
及前志語焉不詳者不可任其失墜也故以拾補殿焉

夫修志與修史實同而異予奪褒貶一秉大公使後世知勸懲所在史氏之體裁也網羅散失討論舊聞稱美不稱惡志乘之流別也延庚才識庸疎敢希史氏作述之旨哉然徵文考獻掇殘搜軼使辛未以來邑中掌故不致湮沒失傳用以賡續前編備他日輶軒之采則固續纂之意也抑延庚更有慨焉癸亥邑志董成於黃君湘實經始於五君格茲役則劉君勞其朔而延庚藉手以告成以今視昔有同一轍惜乎劉君量移高郵未及之官遽歸道山不及觀成此書以規延庚之失此則不能無歉也已光緒九年歲次癸未仲冬知江都縣事會

稽謝延庚識

光緒江都縣續志目錄

圖說

卷首

聖澤記第一

卷一

大事記第二

卷二

官師年表第一

卷三

選舉年表第二

卷四

女行旌門表第三

上中下

卷五

咸豐三年以來兵事月日表第四

卷六

咸豐三年以來職官殉城表第五

卷七

咸豐三年以來

軍營鄉團

死事表第六

卷八